



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annus Cisterciensis

In quo Pia, Et Brevi Apostrophe proponuntur Veneranda, & Imitanda Gesta
præcipua, & eximiæ Virtutes Sanctorum ac Beatorum utriusque sexûs
Ejusdem Sacri, Et Ab Origine Sua Exempti Ordinis


Meglinger, Joseph

[S.l.], Anno MDCLXXXIII.

3. Decembris. 3. Nonas.

urn:nbn:de:hbz:466:1-45314

mur ex toto mundi esse non possunt,
quin aliquando vanitati, aliquando
voluptati aut curiositati plus quàm o-
portet, cedat animus vel ad horam.



3. Decembris. 3. Nonas.

S. GALGANE: qui post triginta an-
nos inter seculi vitia transactos ab
Archàngelo Michaële per quietem mo-

nitus es, ut reliquum vitæ in eremo
perageres. Sed à Matre persuasus ad
nuptias, cùm ad visendam sponsam
properares, equo progredi renuente,
à monitore tuo ad cacumen Sepii
montis ductus es. Ibi crucem è ligno
fabricaturus, à maligno tamen hoste
impeditus, ensẽm petræ infixisti, quæ
instar ceræ liquidam ferro se præbuit.

At Mater ut te reduceret, destinatam
sponsam tibi exhibuit: quæ tuo allo-
quio statim mutata in aliam, ex dote
Cisterciense monasterium construxit,
suscepto ibidem Virginali velo. Irrita
hæc cecidisse tela dolens infernus, a
perta vi de statione te movere conaba-
tur, objectis variæ formæ larvis, a te
tamen facilè explosis. Frequens inte-
rèa fuit ad te populi accursus, post-
quam nempe cæci, surdi, aliisque mi-
seriis

Obijt
anno
1181.

A. S.
Micha-
ele in
eremi
duci-
tur.

Sponse
persua-
det vir-
ginita-
tem.

*Apostolorum
Limina
visitat.*

*à præ-
donib⁹
spolia-
tur.*

*Mori-
turus
habitū
Cisterc.
induit.*

seriis afflicti corporum & animorum
sospitatem accipiebant. A quorum o-
culis te quietis gratiâ aliquamdiu sub-
ducens, Apostolorum Limina peti-
isti; ubi ab Alexandro Pontifice huma-
niter susceptus, multisque muneribus
donatus es. Te autem in Urbe morante,
prædones cellulâ tuâ quam ex arbo-
rum ramis construxeras succensâ, en-
sem in frustra comminuerunt. Sed
statim ultione divina horrendo mor-
tis genere consumpti. Quo cœlitus
cognito ad fumantes adhuc cineres re-
versus, enssem per tuas preces & loco
& integritati restituisti. Excivit hæc
prodigiorum fama vicinos, ut vix un-
quam diu nocturne te solum relin-
querent. Itaque instanter DEUM ro-
gasti, ut tibi aut securum secretumque
latibulum monstraret, aut ad patriam
cœlestem ex his turbis evocaret. Quod
ultimum non sinè prodigio annuit di-
vina Bonitas. Ad radicem enim mon-
tis fortuito ex diversis itineribus Epil-
copi duo, tresque Abbates convene-
rant; qui mutua adhortatione decer-
nunt te invisere; inveniuntque ultimæ
horæ jam proximum, ac supplicem,
ut in cuculla Cisterciensi mori liceret.
Desiderium implevit Casemarii Ab-
bas, qui injecta sua tibi veste, post e-
missa

missa ritu consueto vota, te Cisterciensibus, ac mox cœlitibus junxit. Qui dum corpus ad sepulturam componeret, tanta accolarum multitudo conflavit, ut omnem penè numerum tam fidelis populus, quam prodigia ibidem patrata excesserint. Exstructa est in loco sepulchri parva ædes, quæ deinde in insigne Monasterium post tria lustra centum septuaginta Monachos, pluresque Conversos continens, excrevit. *Doce me Angelo meo, me ad pietatem & vitæ emendationem tam suaviter adhortanti, fideliter obsequi: & vicissim generoso animo insultus maligni spiritus contemnere, cujus tu licet sero serio tamen egregium exemplum mihi præluxisti.*

R. ALBERTE, Abbas Olivensis in Prussia, qui post diuturni regiminis sanctissimos labores multis à DEO lacrymis petisti, ut in Villariensi Cœnobio, mortem oppetere tibi concederet: illud Propheticum identidem lingua & animo revolvens: *Moriatur anima mea morte justorum. Occasione igitur itineris, quo ad Comitibus generalia properabas, Villarium delatus es: ubi post aliquot dierum morbum, votite & (quod placidissima obdormitio fecit indubium) cœli compotem Deus fecit. Fac, ut & ego moriar mor-*

*Prodi-
gijs post
mortem
clarus,*

*Obijt
anno
1272.*

*Mortē
obtinere,
quale
optat.*


riar mor-

riar morte justorum: quod ceriò futurum est, si nunc vixero vitam justorum.

S. BERNARDUS, J de SS. Pet. & Paul

Vivere
debet
sanctè,
sanctè
mori-
turus.

Studeamus, fratres, vivere vitam justorum, sed morte illorum mori multo magis desideremus. Sapientia enim justorum novissima præsert, ibi nos judicans, ubi nos invenerit. Omnino necesse est, vitæ præsens finem futuro coherere principio, nec tolerabilis dissimilitudo est.



4. Decembris. Pridie Nonas.

Floruit
anno
1227.

B. CHRISTIANE, Lubaviæ Apostole: qui jussu Innocentii Pontificis ad barbaros illos rudésque populos Evangelii disseminandi gratiâ profectus, intrâ paucorum annorum spacium innumeros ad ovile Christi adduxisti. Eiusdem deinde Sedis auctoritate thronum Episcopalem Culmensem primus erexisti. Cùm verò finitimæ gentes tibi tuisque grave bellum minarentur, Poloniæ Regem, aliósque Principes ad societatem armorum incitasti: quorum ope, & miraculorum splendore totam illam provinciam à superstitionis errore immunem reddidisti.